



Lo spartito è stato messo a disposizione dall'Archivio storico della canzone napoletana della Rai-Tv.



Primavera alla garsò

Musica di **Salvatore Capaldo**

1.

Sciure addiruse e ghiuorne profumate
tutt'è turnato 'nzieme a Primmavera
'a 'nfama pure 'e rose nce ha pittate,
tutta truccata nun è cchiù sincera.

Turnata è Primmavera
pur'essa a la garsò,
d' 'a matina 'nfino a sera
balle sempre 'o Charleston,
cu 'na vesta ricamata
fatta 'e lille e rose the,
scapricciata tutt' 'e balle vo' ballà.

2.

Oi' Primmavè si' stata 'n'arruina
chist'anno 'e mo, ca si' venuta 'e lusso;
si' stata tu 'nfruntata culumbrina
ca m'he pittate a nenna ll'uocchie e 'o musso.

Turnata è Primmavera
pur'essa a la garsò,
d' 'a matina 'nfino a sera
balle sempre 'o Charleston,
cu 'na vesta ricamata
fatta 'e lille e rose the,
scapricciata tutt' 'e balle vo' ballà.

3.

Pur''e canzone mo' nun so' cchiù chelle,
nun so' cchiù noste, mo' so' furastere.
Nun 'e voglio senti. Voglio 'e cchiù belle,
chelle 'e tant'anne fa, doce e sincere.

Turnata è Primmavera
pur'essa a la garsò,
d' 'a matina 'nfino a sera
balle sempre 'o Charleston,
cu 'na vesta ricamata
fatta 'e lille e rose the,
scapricciata tutt' 'e balle vo' ballà.